

7

D. O. M.
QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum die Jovis vigesima-nona
Decembris M. DCC. XL.

M. ANTONIO PEPIN, Doctore Medico, Regis Con-
siliario & in Portu Brestensi Medico Primario, Præside.

M. DAVID VASSE, illius vices gerente.

*Utrum à mutuo sanguiferorum lactiferorumque uteri vasorum nisu,
menstrua mulierum Purgatio?*

I.

ITA sunt à naturâ comparatæ singulæ corporis humani partes, ut pro-
variis, quibus defanguntur, muneribus, varias etiam sortitæ fuerint for-
mam, indolem, situm, texturam. Videlicet aliter hepati, aliter renibus
consultum est, diversis nempe functiones edituris, diversos secreturis humo-
res. Stupendum sanè, neque ad usum magis, quàm ad pompam multiplex,
in singulis visceribus artificium deprehendas. Verùm nullibi magis curiosa ac
sollicita fuisse natura videtur, quàm in condendo utero; neque injuriâ, quo-
niam humani generis officina futurus erat. Hunc itaque tanto operi, eo, quo
par erat, apparatu accingi oportuit. Porro præter primariam illam & tripli-
cem, quæ ipsi incumbit, provinciam, sætum concipiendi, fovendi, exclu-
dendi, altera etiam obtigit, quam secundariam dixeris; statis nimirum tempo-
ribus non contemnendam cruoris copiam excernendi. Quâ quidem menstruâ,
ut plurimum, purgatione à cæteris longè diversissimâ, superflui potius, quàm
immutati humores educuntur: sincerus nempe cruor, eique, qui pertusâ cubiti
venâ exit, planè simillimus, nisi fortè aut diuturniori morâ, aut deterioris succi
miscelâ vitium contraxerit. Undè patet, quàm falsis, apud Plinium & Veterum
plerosque, criminibus impetatur menstruum illud effluvium, quibus si fides sit,
veneni dotes æmulari credideris. Hanc igitur evacuationem ideò fieri dixerim,
quòd turgescant per vices uteri vasa & depleantur, singulisque mensibus *Plethoram*
quandam alternis concipiant ac deponant. Si cui autem specialem illam uteri fa-
bricam evolvere contigerit, quam necessario consequatur periodica ejusmodi
plenitudo & exinanitio, is, se genuinam menstrui fluxus causam attigisse confidat.

I I.

PROPRIA quâdam, instante menstruâ Purgatione, laborare uterum *Plethorâ*
satis superque evincunt, quæ mulieribus tunc temporis solent accidere; pon-
deris nempe circâ lumbos, seu verius circâ os sacrum sensus, doloris etiam non
expers; molesta inguinum distractio; mammarum, ut & abdominis intumescen-
tiâ ad duritiem vergens; frequens meiendi desiderium, pruritus demùm, & quæ
in universis animalibus oritur ad venerem propensio. Quò plus enim sanguinis
alicubi congestum fuerit, eò acutiorem in eâ parte, distentis ultrâ modum fi-
bris, sensum esse debere manifestum est. Huc accedit, quòd ex cadaverum se-
ctione compertum est, iis uterum crassiores apparuisse, quæ eo tempore ex-
tinctæ fuerant, quo consuetam purgationem erant experturæ. Ista autem singulis
mensibus recurrentis vasorum saturitas undè commodius deduci queat, quam ex
ipsius uteri structurâ? Minus sanè feliciter ab universali corporis *Plethorâ*, etiam si
hic illa, modò cætera benè se habeant, plerumque respondeat. Quippe non se-
mel in Praxi Medicâ versantibus observatum fuit, paucis quidem, nonnullis ta-
men mulieribus, in quibus deficere, nedùm superesse videretur fluidorum copia,

uberius interdum defluere menstrua, quam iis quæ habitioris sunt naturæ, manifestoque sanguinis vim intus alunt longè majorem. Nisi fortè iis redundare sanguis dicendus est, quæ aut enormem uncinque illius jacturam, aut diuturnam famem perpessæ fuerint. Neque satis fuerit perpendicularem aortæ inferioris situm subjungere, immensosque ac propè dædalæos uteri vasorum anfractus; quæ cum eodem prorsus modo in universis mulieribus se habeant, eundem ubique fortiri deberent effectum, pro variis duntaxat universalis *Plethoræ* gradibus, discriminandum. Dicant enim qui tanti faciunt peritum ex perpendiculo argumentum, quâ ratione fieri posset, ut decumbentibus diuturniori morbo mulieribus ad præscriptum tempus recurrerent menstrua? Melius ne expediret, quare in viris, quotquot nimia sanguinis copiâ gaudereprehenduntur, periodica non contingat per *hemorrhoidum* vasa excretio? At, inquier, suffulciuntur ista, crassaque ac musculosâ intestini recti tunicâ defenduntur. Esto sanè, dissiliunt tamen in quibusdam. Quid? Si ad pulmonum vasa respicias multiplex plexu circâ *bronchiales* vesiculas perreptantia, omnique prorsus fulcimine destituta? Quid? si ad cerebri arteriolas in mille gyros abeuntes, suprà fidem tenuissimas, neque tamen facillè disrumpendas? Vetat nimirum peculiaris quædam utriusque visceris fabrica, quâ expediendo ac promovendo sanguinis circulo cautum est. Nullis illic repagulis coercitus humor intrâ vasa congeritur, neque, quod superfluit, per hæc loca amoliri satagit natura.

I I I.

UTERI longè diversissima ratio est. Is vesicam inter incumbentem subiacentemque intestinum rectum, mediâ in pelvi situs in mulieribus multò quam in viris ampliorem, neque pluribus tamen extrâ graviditatem refertâ, quoque versum facillè expandi ac dilatari absque inflammationis metu potest. Hûc etiam facit turbinata ipsius figura, vasaque in plexus innumeros obvoluta, atque in mutuam veluti subsidium nusquam pluribus *anastomosis* coeuntia. Hæc autem partim ab *Hypogastricis*, partim à *Spermaticis* mutuatur arteriis venisque, ita ut venæ venis utrinque committantur, arteriæ arteriis. Nervos excipit duplicis generis, cum ab intercostalium propaginibus, tum ab ossè sacro. Ex iis complures ad illius cervicem deferuntur. Duo sunt insuper, quibus annectitur uterus ligamentorum paria. Alterum nempe, quod à peritonæo ad ovaria tubasque *Fallopianas* laxiori molliorque nexu progressum, totum mox uterum circumvestit. Quod quidem ligamentorum par vespertilionum alis non absimile, recepto *Intorrum* nomine venit; vix tamen nominis vim adimplere videtur. Alterum, quod ex vasis ferè contextum, ab uteri lateribus superne oriundum, obliqui funiculi instar per annulos istos descendit, qui in viris seminalia vasa transmittunt, sensimque gracilescens in ipsâ pubis pinguedine evanescit. Quod si propriam uteri substantiam penitus inspexeris, is è triplici tunicâ constareprehenditur; quarum primam seu exteriorem cum quatuor ligamentis habet communem, mediam obtinet ex carneis fibris intertextam fasciarum sese decussantibus, adeoque cellulosa quædam inter se spacia relinquentibus, in gravidis & puerperis maximè conspicua. Spongiosam quali substantiam cum *Regnero de Graaf* possis agnoscere. Intimam maximâ ex parte nerveam esse, præterquam quod oculorum testimonio constat, docere insuper videtur exquisitior, quâ prædita est, sentiendi facultas. Tunicam hanc inter & mediam delitescunt non sanguifera solum & lymphatica vasa, sed & *Lactiferi* quidam ductus in gravidarum utero conspiciendi, pro meris glandulis vulgò habiti, at immerito, licet in puellis impuberibus, glandularum ritu, transmittendæ lymphæ famulentur: donec adolefcentibus sensim crassiori humore, pubescentibus *Chylosè*, gravidis demùm lacteo in sortis alimoniam replentur. Scire autem licet, ex iis ductibus nonnullos vesicularum instar effictos esse, quosdam *vasculosam* indolem affectare, atque in tenuium *interstinalium* speciem circumvolvi; modò invicem communicare, modò planè discretos inveniri; universos autem, quâ parte uteri cavum subeunt, ritè obturatos esse, ita tamen, ut, cum res feret, expandi atque hiare valeant, illi, quo turgent, humorem intus eructare. Hos *Lactiferos* ductus in sortis pecu-

ribus toties quoties reperias. Cave tamen existimes, quidquam cruoris per hos canales excerni. Aptantur huic operi meatus quidam, ab iis, quas modo recensimus, arterias inter venasque mediis cellulis, in uteri cavum pertinentes, nullatenus tamen eminuli, diligenter quoque ex hac parte occulsi, nisi cum effluunt menstrua, aut uterum gerit mulier. Quæ cellulosa compages, oriundaque exinde foramina à Præstantissimo *Regnero de Graaf* descripta, in Celeberrimi *Morgagni* tabulis graphicè delineata, Cl. *Hunauld*, viri in scrutandis naturæ arcanis sagacissimi oculos non effugerunt, dum recens enixæ mulieris uterum, coram frequenti Auditorum cœtu, eâ, quâ valet, sedulitate explorat. Per hos meatus erumpit menstruus cruor, quatenus scilicet mutua venas inter ex cellulis reduces, lacteoque ductus exoritur compressio, invicemque nitentibus utrisque, tum *sanguiferis*, tum *lactiferis* uteri vasibus, advenit huic parti peculiaris, quam diximus, *Plethora*.

I V.

NOTATU sanè dignissima quæ in muliebri sexu, circa pubertatis annos solet contingere mutatio. Tunc primum insolito fulgore micant procaces oculi, spargitur ore purpureo vividus lepos, attollitur in gremium, nec indecorum tumorem pectus, puellamque jugali jam thoro habilem prodit irrepens furim in vultu, in gestu, in incessu ipso, in toto denique corporis habitu venustas. Verùm, quæ mammarum globulis eo tempore accedit intumescencia, eandem intus in utero fieri, non conjecturâ tantùm allequimur, sed & gravissimis rationum momentis. Hanc inter utramque partem, sive structuram spectes, sive situm, sive usum, maxima intercedit affinitas, mutuum commercium. Quid mirum ergo, si iisdem utraque subiaceat legibus, eandem experiat vicissitudines? Quemadmodum enim uterus, sic & mamma: sexu quàm plurimis instructæ fuerunt glandulosis ductibus, in muliebri extrâ pubertatis annos, in virili ulterius etiam revehendæ duntaxat lymphæ dicatis. Postquam verò justum incrementum cepit muliebri corpus, plus incipit humorum confici, quàm in resciendis partibus impenditur, aut omnium, quotquot sunt, secretionum beneficio exturbatur: quippe cum laxiora sint minisque *perspirabilia* mulierum corpora. Lentius itaque progredi incipiet, redundantis *Chylis* admitione crassior lymphâ, peragendoque circulo ineptior. Mammarum autem uterique membranaceos canales eò facilius dilatabit, quò minus ii suffulciuntur, à musculosarum fibrarum consortio ferè immunes. Incipiet igitur utraque pars sensim sine sensu rumescece. Jam verò subindè appellente succo lacteo, distentis uteri ductibus lacteis, comprimi interstratas venarum ramices necessum est, novoque in dies sanguine infarciri cellulas uteri, ipsasque cellularum appendiculas: donec ulteriori tandem expansioni impares non dissiliant quidem, sed eâ parte dehiscant, quæ prius accuratè oclusa in uteri cavum pervenerat. Effluit interim qui in lacteis acetabulis delitescerat humor, tum mutuâ coarctatione expressus, tum adaucto calore liquatus. Quod ni fiat, adeò non intrâ legitimum tempus consistent menstrui cursus, ut contrâ, perennante compressione, in *præternaturalem* sanguinis ejectionem sint evasuri. Quantula enim lactei humoris pars & quàm lentè à lymphaticis vasibus resorbetur! Depletis hac ratione utrisque uteri vasibus, constricta arctantur foraminula; nonnihil tamen patent, quod satis sit modico transmittendo sero, quo madescat interior uteri facies. Tantùm verò inter proximè futuram purgationem intererit spatii, quantum opus est, ut lacteis ductibus novo iterùm lacte turgidis, novam icidem, uteri sinus, effusi cruoris copiam fuscipiant. Hinc est, quod vario in variis tempore redeant menstrua, prout disparibus utuntur victu, naturâ, ritu, conditione, exercitiis, ætate; adeò ut iis planè absint, in quibus aut absumitur in corporis alimoniam quidquid conficitur *Chyli*, aut illum non admittit densioris texturæ uterus.

V.

QUAM facilis porrò & expedita fuit ex supradictis omnium, quæcunque circa solemnis illius evacuationis initia, incrementum, vigorem, declinationem ingruunt, *Phænomenon* enodatio! Numquid enim intelligere non datur, pro diversâ lacteorum sanguineorumque ductuum sive tubulorum indole, pro

laxiori, strictiorive eorum texturâ, fore ut citius aut tardius, majori vel minori negotio erumpant desinantque menstrua, parcius aut uberius destillent, innoxie demum, aut infausto exitu peragantur? Quem latere potest affluens illuc, in fœtus annonam, humoris utilitas? cujus beneficio non utero tantum conciliatur mollities, & ea quæ ad concipiendum requiritur teneritudo, verum etiam accedit lacteis sanguineisque ductibus *permeabilitas*, & ad excipienda placentæ vascula, suppeditandumque fœtui pabulum habilitas. Scire enim oportet, quidquid in utero fit, id futuri fœtus causâ constitutum esse: adeo ut (si quid tamen in tantâ opinionum diversitate conicere licet) suppetat fœtui ex solo materno lacte alimentum, residuus verò è nutritione sanguis uterinis venis restituitur. Neque dilacerari credas unoquoque mense tenerimi visceris vasa, stante quidem intra naturæ ordinem mensium fluxu, imò & puerperio. Quod sanè mirum à quibusdam non infimæ notæ Auctoribus aliquando affirmatum fuisse. Quasi verò non intra breve temporis spatium occallesceret uteri superficies innumeris cicatriculis refarcita, seu verius deturpata, nisi fortè ejusmodi occallationem, aut funesta inflammatio, aut fœdum ulcus præverteret. Quod enim ex eâ, quæ *hamoroidibus* vasis accidit, rupturâ mutantur argumentum, tanquam à se non ablimi, tantum abest ut pro se faciat, ut contra totam eorum penitus subvertat sententiam. Quàm multa enim exindè pullulare solent ulcera fistulosa! Nempè ea est disruptorum vasorum conditio, ut, nisi maturè coaluerint, brevi suppurare incipiant. Huc adde disparem longè utriusque excretionis esse rationem, quoniam quæ per uterum fit secundum naturam fieri censenda est, secus verò quæ per ani venas, etsi profit interdum. Repugnare omnino videtur animalis æconomix legibus periodica ejusmodi vasorum dilaceratio. Ideoque, etiamsi lateret vera rei litius ratio, quamvis potius suspicari fas esset. Quorsum autem ad conjecturas confugere opus est, ubi manifestò patet, quid sit sentiendum. Cerrè aliquà ex parte peccant ceteræ, quotquot sunt hæc de re, hypotheses. Nostra, præterquam quòd singulis apprimè satisfacere videtur, tanto acceptior esse debet, quantò magis rationi consentaneum est, privatas partis cujuslibet functiones ex peculiari illius fabricâ deducere.

Ergò à mutuo Lactiferorum Sanguiferorumque uteri vasorum nisu, menstrua mulierum Purgatio.

DOMINI DOCTORES DISPUTATURI.

M. Ludovicus Petrus Le Hoc, Consi-liarius Medicus Regis Ordinarius in ejus Castelleo.

M. Joannes-Baptista Boyer, Regis Consiliarius & in Senatu Parisiensi Medicus Ordinaris.

M. Joannes-Claudius-Adrianus Helvetius, Regi à Sanctoribus Consiliis, Reginae Medicus Primarius, & è Regiâ Scientiarum Academia.
M. Claudius Du Corré.

M. Antonius-Nicolaus Guenault,

M. Bernardus de Jussieu, Regiæ Scientiarum Academia, Regiæque Societatis Londonensis Socius & in Horto Regio Botanices Prodemonstrator.

M. Paulus-Jacobus Malouin.

M. Franciscus Mery, Chirurgiæ Gallicæ Idiomatis Professor.

M. Jacobus-Benignus Winslow, Regiæ Scientiarum Academia, Societatisque Regiæ Berolinensis Socius & Teutonice Lingua Regius interpret.

Proponebat Parisiis MATTHÆUS ARRAGON, Abrincinus Baccalaureus Medicus, A. R. S. H. 1740. à sextâ ad meridiem.